

張文忠公文集

二



張文忠公文集卷第二

擬雅

包茅

天子有事于南郊也

包茅輯輯籩豆秩秩百辟駿奔咸位之即維相衆先

天子是翼燭者掖分樂者類擊爵者祗從羞者恭立載籥載祝載歌載陟神具飲食 有華其星有惠其風有祥其雲有璇其空照臨郊宮

帝誠天通嘉應允豐 爰兆歲穰爰兆國昌爰兆時若爰兆民康斯世有慶 禮備三矣神樂湛矣鸞輅龍旂若有音矣薄言旋馭元氣參矣

晦霽杳冥隱其瞻矣福佑大來享自今矣

包茅四章一章十三句一章七句一章五句一章十句

惜陰勉子弟勤于學也

士何所惜匪璧匪金惜焉者何曰維寸陰逝兮亟兮儵昨與今于時弗力歲日以侵有往蔑還寧不戚心 力焉者何匪文匪賦伊綱伊常是

究是務螻蟻有君虎狼有父鴻鴈有昆睢鳩有



婦豺亦祭天獺知本務隨物省之於道其庶
彼胡釋茲言事口耳雖誦弘博奚利於已若昔
聖人夫豈崇此 聖人所崇維德維義躬行之
餘則文則藝華而不實君子攸棄 吁嗟汝童
其永是從匪播曷苗匪植曷叢勉斯勤斯惟爾
之庸

惜陰五章一章十句一章十二句三章章
六句

宰木思親也

菀彼宰木風焉則悲其音伊盛其本則衰嗚呼

雲華類卷二

二

我天九京叵追有酒有食將安所遺孝有不逮
於今信而皇皇靡從泣與涕隨 菀彼宰木風
焉則呼其陰伊繁其本則孤嗚呼我天言歸隴
墟有室有堂將安所居孝有不逮於今信諸皇
皇靡從泣與涕俱 菀彼宰木風焉則摧其勢
伊安其本則危嗚呼我天九京莫迴有車有馬
將安所馳孝有不逮於今信哉皇皇靡從泣與
涕偕

宰木三章章十二句

風林招友人歸隱也

風號于林靡有寧柯匪雲伊雷匪川奚波使我
驚惑隱憂孔多而獨何心于彼嘯歌子兮歸兮
此焉無他 此有旨酒此有異書此有良疇此
有美居子兮歸兮其樂只且 維人之心曷有
紀極既隴之獲又思蜀得維培靡厭是用多告
矧夫一身所享能幾斗珠屋鞋可曰庸鄙苟
美苟完斯可歸矣 言觀天道恒行不足盈
鬼疾謙則神福子寧不知胡俟予告 而如蘭
蕙而如玉金毀之於人寔戚我心願言歸兮式
永德音

風林六章一章十句五章章六句

維日之良祀 祖宗于家廟也

維日之良嘉薦令芳于豆于俎是登是將于祖
考之堂 燭輝其前鍾韻其傍神具億止風帷
褰揚儼承其容光儼覲其冠裳儼聆其磬欵儼
被其文章 維靈歆止我侑我侍胥悅胥怡載
鼓載吹工祝有嚴儀物孔備將何以祈鯛鯛惟
畏 匪位秩欲隆匪貨利欲充匪居第欲侈匪
禎瑞欲豐 子祈其賢婦祈其從兄祈其友弟
祈其恭德祈其厚業祈其崇族祈其睦時祈其

雍維神人攸同

維日之良五章一章六句二章章八句一章四句一章九句

有鳥歸止君子思退也

有鳥歸止于彼穹林矰繳靡及笙竽其音伊我言仕歲聿其深弗知所寧遐不恧心 有鳥棲止于彼灌木矰繳靡加黼黻其羽伊我言仕歲聿其暮弗知所依遐不思顧 有鳥戾止于彼豐丘矰繳靡施廼息廼休伊我言仕歲聿其秋弗知所安遐不愧憂

有鳥歸止三章章八句

彼落者花閔歲月之易失也

彼落者花言委于草風以起之色尚鮮好昨焉芬馥今者衰槁子不我觴其奈茲擾 彼落者

花言彌其塗風以起之色尚不渝昨焉鶯鶯今者鴈徂方陽火許俄雪毳如子不我歌其奈此

虞 彼落者花言彼于道風以起之色尚妍妙

昨顏渥丹今首華皓方祝壽康俄病之告子不

我絃其奈茲暴 今人古人悉塵悉土况茲物

華其得恒撫子弗日娛歲不我與

彼落者花四章一章八句二章二十句一章六句

有田野人遂其閑也弱冠出仕知命而歸爰馳于郊有琴書以自樂也

有田負郭伊邇匪遼我倦而歸於焉逍遙爰力于書且勤于苗朝斯夕斯以詠以謠式結今好言報夙勞山旣我狎川亦余媚維禽維魚亦莫余畏林則有風洞則有雲釀則有林饌則有芹樵則有柯釣則有綸維人至樂曰丘曰壑得而顓之何有人爵彼爵與名豈不我榮其或舍旃允有未任允有未任且以鼓琴

有田四章一章十句一章四句一章六句濯足于溪遂山中之樂也

濯足于溪風薄其衣載撓其波雲影四披維山維林我屏我闌以游以觀山水胥輝有問所樂彼惡克知濯足于溪風籠其袂載撓其波雲影紛避維山維林我闌我第以娛以嬉山水胥媚有問所樂彼惡可冀天於清福其畀孔艱借曰畀之亦罔克安爾塵爾埃爾茹爾苦我溪我山我得我所或杖或几或罇或俎或舟或

輿或吹或鼓溪爲我歌山爲我舞冥然心會此
適誰語瞻彼白雲使我懷古

濯足四章二章章十句一章四句一章十
四句

奚木無本美王從義孝思堂也古者諸侯大夫
至于官師皆得立廟以祭於寢所以厚倫理別
貴賤使各盡其孝敬之心也肇宗子法壞後於
人者於報本追遠謾不訾省宋朱文公先生
古以定祠堂之制於是班班見於士大夫家而
碣石王從義其一也比過雲莊徵文於僕僕大

其能復古而有關於世教也故作是詩以貽之
奚木無本奚水不源人遺其先盍是鑒焉于
于承于何而受允知其然胡不心疚秩秩相
宇耿耿其靈維彼孝思格思以誠格思以誠如
聞如覩苾其德馨是享是與肝響豐融錫祐伊
旅於何卜之兆厥鍾鼓禮聿成矣福旣穰矣
曰庶曰宗靡不慶矣彼昏蔑焉喪厥良矣孰其
牖之俾復明矣申以是詩後人庶弗忘矣

奚木無本三章一章八句一章十二句一
章十句

相彼逝川閱壯年之不復也

相彼逝川其來奚從滔滔靡竭日夕是同孰艾
我年孰衰我氣孰雪我髮孰灰我志吁嗟衰兮
相彼逝川其來無已滔滔弗迴日月隨靡顏
不復丹髮不復玄氣不復銳年不復妍吁嗟衰
兮 相彼逝川其來未艾滔滔靡止日月同邁
行必杖策坐必几憑食必噎祝寢必晏興吁嗟
衰兮 吁嗟衰兮大聖未免三復抑詩敢不自
勉

相彼逝川四章三章章九句一章四句

猗若夢親友也

猗若人兮言別十禩有牽于懷宵見于寐髯髮
鬢如容止溫粹惠然見過與昔無異 言御我
琴言哨我壺言搏我圃言舟我湖高我能閑嘉
我不渝傾懷以懽與昔靡殊 方爾綢繆憂焉
鶴唳雲散雨絕月亦傾墜顧瞻窅然曙色猶未
何時真逢話此襟義

猗若三章章八句

有石可友明歸田之不孤也
有石可友玉立仞餘峭拔崒兀厥色翠如維虛

其中蓄有若無命以抱雲名實則符正大不倚
攸久靡渝愛而謁之勃然起余 或叩以杖或
沃以酒或望而趨或坐與偶載摩其足載擁其
肘載拍其肩載撫其首恬焉受之略不余否
余方遯野爾適抱雲以我爾交孰挾敢云伊管
伊鮑伊雷伊陳伊古至交亦罔克倫醉視則醒
吟繞則文困依則億靜對則神一日弗面九竅
爲塵 嗚呼石友其益孔多不洩所懷介益可
嘉願言則之永保靡他

有石四章一章十二句一章十句一章十
三句一章六句

悼亡

伊余踐仕實以親故由吏而官黽勉朝暮維臯
戾是懼維清白是務室故無聚 亦由汝賢克
安其天肆厥躬克蠲肆厥問克宣幸以不顛
昔我旣冠君亦甫笄于配其宜婉有令儀婉有
令儀于姑嫜不違于娣姒不睽于婦道不虧于
女紅不衰以迄于茲如初來歸 五子咸歿蓋
有未曉蓋有未曉且弗壽考 始相期偕老今
則汝先始相期同樂今汝我捐其嗣之不延其

壽之不綿于誰咎焉豈禮容有愆豈德美未全
豈內助未薦豈中饋未虔如舉不然何以弗年
吾旣汝寃而又汝憐乃矢是詩以慰九泉嗚
呼奚言嗚呼奚言

悼亡六章一章七句一章五句一章十一
句一章四句一章十三句一章六句

壽子示引也

於惟我祖肇基青陽揮爲弓正爰氏以張厥族
孔殷奕葉振芳周仲孝顯漢良智彰釋之平決
博望遠揚折轅有湛埋輪有綱吳憚昭直蜀賢

字義類上卷二

九

飛剛五龍佐宋九齡輔唐睢陽之節山斗與昂
燕公之文江漢叵量玄素遺直志和真歲下迨
五季全義循良天水之興齊賢慨慷垂崖崛起
西土是康橫渠道學于聖有光南軒繼之益熾
益昌天開

皇元有公有卿凡吾之胄皆時之望 繫我王
父更世多故服戎前茅艱險伊屢其周人急空
橐弗顧垂百其齡可灼平素父年十八獨任家
務于江于淮是亂是遡以隱于賈以晦其著以
儉其出以阜其聚以開我人以薦我祐余時昉

壽之不綿于誰咎焉豈禮容有愆豈德美未全
豈內助未薦豈中饋未虔如舉不然何以弗年
吾旣汝寃而又汝憐乃矢是詩以慰九泉嗚
呼奚言嗚呼奚言

悼亡六章一章七句一章五句一章十一
句一章四句一章十三句一章六句

壽子示引也

於惟我祖肇基青陽揮爲弓正爰氏以張厥族
孔殷奕葉振芳周仲孝顯漢良智彰釋之平決
博望遠揚折轅有湛埋輪有綱吳憚昭直蜀賢

雲莊類稿二

九

飛剛五龍佐宋九齡輔唐睢陽之節山斗與昂
燕公之文江漢巨量玄素遺直志和真歲下迨
五季全義循良天水之興齊賢慨慷垂崖崛起
西土是康橫渠道學于聖有光南軒繼之益熾
益昌天開

皇元有公有卿凡吾之胄皆時之望 繫我王
父更世多故服戎前茅艱險伊屢其周人急空
橐弗顧垂百其齡可灼平素父年十八獨任家
務于江于淮是亂是遯以隱于賈以晦其著以
儉其出以阜其聚以開我人以薦我祐余時昉

冠儒雅是慕維詩維書靡亘靡暮其業未竟廼
仕廼驚親寔命之弗荷恒懼幸無失墜以永終
譽豈曰能官菽水攸助庸出五句遂引而去
二子喪一今惟汝獨汝兄使存吾豈汝督茲因
誕晨畧汝之告彼聖與賢非四耳目第性湛然
不物於汨夫道非遠在志之篤維志之篤無堅
不窟無遠不躅無高不升無深不矚其弱可強
其暗可煜鐵焉可金石焉可玉母小成是枯母
細娛是逐母師友是拂母祖宗是辱 維人之
心匪惡伊善由弗脩養道乃違叛虺彼下流又
三百六十一
雲莊類書卷二

將孰怨粵天地分歲月無筭此身始有胡忍塗
炭古人遺訓方冊具見吾指其南汝進母悼

壽子四章一章三十八句一章三十二句
一章二十五句一章十四句

張文忠公文集卷第三

古詩 五言

古意十首

我夢上寥廓宮殿深綺縠上有龍鳳飛下有虎
豹蹲茫茫四圍水玉鏡微纖痕坐覺宮殿搖縹
緲驚心魂欲下客相挽酌我青霞樽前後鳴雲
韶左右歌天孫四座儼冠佩光爛扶桑暎囑我
到塵世膠口慎勿論劃然墮穹崔雪屋燈微昏
驅車上崔嵬進寸還退尺極知太行險政爾未
遑息我僕既已痛我馬亦傷策魂斷猩鼯聲心
掉虎狼迹欲迴惜前功將往孰引汲林端風雨
交谷口雲霧塞惟應徐徐行庶免胥顛躓由正
莫務捷其到或可必前路方巉巖仰視天井窄
憂端從中來比山却平易

有客遠征戍乃在朔漠陰怙恃既云失友于亦
俱沈獨存寡弱妻冰蘖持寸心極知形影孤不
忍忘遺簪夜織侵昊月晨爨掃墜林有時睇曾
穹悠悠恨彌襟人生果奚恃道義扶古今窮微
豈為累他日知良金

薄言采蘭芷將以貽遠人遠人天一方相望邈

參辰蘭芷秋欲萎步繞蒼煙津終朝不盈掬戚
戚懷苦辛徒令翡翠禽驚逝不我親禽逝再可
至人別會何辰惻愴訢無所商飈動白蘋
鷄雛千仞翔所下惟德輝非竹實不食非梧桐
不棲竹實豈恒有梧桐亦云稀所以高世士抱
饑守巖扉寥寥經濟懷不忍輕發揮朝飲西流
暮采南山薇千駟豈難致不義秋毫微寄言時
之人慎勿賤布衣

好鳥止庭樹睨睨揚嘉音再三未云已慰我山
澤深緩飈襲野服起步林之陰仰視離離天悠
悠動孤吟倏爾鳥驚逝甯知出無心

任公坐松頂垂釣橫海鰲芥視三神山咫尺萬
里濤鰲魚至難必但見雲天高豈無鱸與鮪吾
餌不汝挑甯期毫髮功要使斯世膏此志果終
定遲速終相遭

我欲適鄒魯歲晏道阻修奎文遙相望五彩爛
不收孔林無曲柯洙泗恒安流春風吹舞雩童
輩方詠游彼樂乃如許我志獨未酬徘徊暮雲
邊心往形跡留何當生羽翰因之閱齊州
美人余所珍睠焉靡從致之人為美何玉體性

蘭蕙熙熙如陽春著物惟自遂動靜語默間恨
有無限意我欲相徵逐咫尺霄壤異何時觀清
揚滌此塵鄙氣

我有書一函字不類人世雲擁蛟龍翔風飄鳳
鸞逝寶藏將百齡時時露竒氣上令星斗殷下
益山海翠非不欲出之將恐反為罪歲宴何所
歸自樂諒無媿

寓興和

延祐四年二月余以事至興和凡留百
餘日寓居城東隅幽閒深迴類隱者所

居因得詩十首以為他日歸田起本

平昔嗜幽隱未敢聞斯行雖云靡以爵雅負義
皇情茲來志頗愜若遂林泉盟城居況清寂冲
襟淡無營開簾納南薰庭草微波生非因客相
過竟日無人聲烏衣時往還黃耳恬不驚安得
幅員廣舉若此境清時陝西嘉時恐易失孰謂
淹邊城

日出未云起枕上聞禽呼緬思金馬門萬騎爭
先驅而我幸免此日與幽寂居所蒞惟一事事
已無餘拘或杖陟城堞或騎遊郊墟或賞東鄰

花或閱西家書歸來曲枕卧旅窗亦明虛優哉
聊復爾詎必山澤居

鈞簾坐觀雨濛濛散如絲彼燕何所欣往來經
緯之簷風夾毛骨詎易物蒙滋餘灑浸迫人卻
避榻屢移從來幾風雨今始有此怡乃知寸心
靜萬象皆委蛇人生故多事安得恒如斯

得子強也書詩以答之

有客附書至封識墨尚新展讀笑良久勸我歸
及辰我豈不汝懷愛此泉石隣官事亦既簡又
多素心人劉生書滿家楊叟酒味醇而沉俱好

堂中先類字字

四

客有暇眉不顰緬思霄壤間實與逆旅均焉往
非寄寓奚必家園親置書桃笙底且復樂我真

三月二十五日雨

邊雨易風色當春雨恒慳芳菲既遲迴原隰復
平寬禾種聞入土焯焯尋復乾農習多鹵莽暖
亦溺宴安豐歉付天運畧不人力干我來每病
此宿弊無從刊所以逢甘澤百倍樂且懼邴邴
入薄暮浙浙挾輕寒昫昫既沾足穰穰行及觀
所以願歲登惟恐瘵厥官因之為懷土賣劔耕
家山

過長白山謁范文正公讀書堂

長白何峒堯不有讀書室人云小范老於馬竟
晨夕蕭蕭翳荆榛落落林泉石卷卷往瞻拜赫
赫如相及維宗慶歷間羣賢麟鳳集孰先天下
憂一疏丹心白中朝固有人西夏諒難國力言
出凶深慮手滑失炳幾先見明韓富有慚德奈
何時相隘欲碎和氏璧向非仁廟知千載血應
碧至今忠義氣高壓萬仞壁所以德業高要自
辛苦積功臣自古多動為富貴役視公平生心
霄壤邈相隔但能一善兼亦足千年塞遺容揭
日星未覺關塞黑長歌景行詩風林撼秋色

登閔中閣

北二十里爲大內

羈思怒如搗奮欲飛彼旻於焉一振衣聊以樂
我負三都鼎足峙二水衣帶分穹窿天翼野浩
蕩風披雲新宮何鬱然所見勝所聞利聲闕塵
市夕彩明山曛群角散濺濺衆翼廻紛紛登高
窮邇避撫事無悲欣故園定何許憑欄重殷勤

夜雨寄呂叔泰

隆隆暑威歇稍稍秋意深豐草漸改色穹林亦
蕭森况茲風雨夕微燈翳羽寒陰潛蛩洩幽語得
鴈遺哀音以我耿耿懷知子難爲心含情嗟

吳咫尺猶商參裹飯孰子遺載酒孰子斟豈不
欲一往畏彼泥潦侵古人道義交非惟讓分金
斯事久索寞念之恨彌襟願言軌前躅尚期
來今

二月二日雨寄杜希聖

入春不旬浹小雨凡兩作茲晨尤所欣生意際
寥廓初看冗纖塵尚恨爲力弱扶筇立未幾已
訝淚花萼神哉造化功悠悠諒難度狼戾期在
茲殿屎不復昨睇雲引深杯擬勸龍公嚼蕭蕭
一簾風搖蕩春陰薄因之成短章聊發幽人嘯

禮部新鑿蓮池成

春官大宗伯非據恒拳拳云胡舒所憂鑿池納
清漣明月忽倒掛停雲亦中懸纖鱗泳幽深淨
植呈芳妍公餘爲寓目彷彿湖海前未遑范蠡
舟聊當陳登田頭白尚兒戲自笑復自憐孰知
此舉中仕隱乃兩全言念揚州鶴其然豈其然
乘傳過家同馬克脩總管宴金線池

皇皇使者車每出每忽遽茲行諒多暇值勝輒
少住而况父母邦所與多舊故張讌臨芳池人
影亂波素華堂翳羽歌雲香玉蘸杯露于于來遠

岑歷歷散層樹纍纍泉引珠奕奕風起絮二泉名
舊聞金線竒屢至未曾遇川妃若余誇一縷出
容與因知穹壤間靈異固無數寒氷乃生蠶烈
火能浣布滄溟有樓臺弱水不毛羽伊誰亭毒
司擬欲扣其故題詩池上亭它日記分聚

擬四季歸田樂

春

日月底天廟陽瘴土脉生習習協風來顛顛衆
蟄驚農人服厥畝薄言事春耕缺堤流瀼瀼灌
木鳴嚶嚶白扉颭青帘綠野明丹英蠶婦喜形

色牧豎歌傳聲天隨野色遙山與吟懷清向來
慳一際今者幸四并徜徉子真谷萬事秋毫輕

夏

北陸展脩畧薰風薦微涼麥波浩無津細路如
橋梁溪光林樾潤雨氣桑麻香春聲破幽寂人
影來微茫缺垣誰所居紅碧相低昂翁媪老瓦
盆兒女前捧觴我行適見之亦覺心樂康昔聞
太古俗今歷華胥鄉向令早知此詎使田園荒
迷途諒非遠淑景良未央於焉遂平昔孤陋庸
何傷

秋

黃雲亘郊野農力今有功茲乃民之天治理根
其中我雖未及粒已覺飢腸充田頭父老過擊
壤今歲豐自愧無寸積坐享雍熙風秋成既如
彼况對菊與楓氣澄天宇高心寂塵纍空木落
山獻體波縮沙留蹤遐興何悠悠迅景何忽忽
俯仰田舍底或能保初終

冬

歲晏日南至場圃靡所勞告成三務功盈耳康
衢謠鴉飛嶺外陂虹斷林邊橋將期養踈拙詎

厭居寂寥負暄坐晴簷煦煦春滿袍對山閱吾
書懷古酌彼醪此樂天所靳何幸及草茅雖非
鹿門龐或庶彭澤陶爲詩寫幽尚刊落華與豪
集以貽知音悵望心搖搖

直省

危松蔭華構叢卉延清池雖有聲利喧吏隱良
亦宜稍稍多士散忽忽落景移嚶嚶草虫鳴熠
熠螢火馳驚颺葉蕭瑟淡月雲迷離夜澄神慮
醒人杳音塵遲感茲耿無寐迴廊步委蛇懷哉
百年心欲語難爲辭

登司天臺

同李景山元復
初分韻得色字

湫居厭紛厖升高百憂失河流耿微明野燒還
故碧太行望中低斷處仍雪色翠華天尺五金
城年萬億美哉山河固兩有險與德區區遼與
金銅駝幾荆棘開闔看煙雲興廢感今昔所恨
難久留悲風晚來急

夏日姜氏園亭避暑

赫赫三伏威遲遲六龍轂劇暑將焉逃于彼灤
之曲人家佳林薄一徑入脩竹窻扉翳深青水
石帶微馥魚若游空明花如媚幽獨時於喬木

顛瞥見飛來鵠桃源昔疑妄歷此方心服詎知
虛落間而有無懷俗心隨潭影澄詩與禽聲逐
此樂且勿竟留待重來續

飲崔氏別墅

駕言徂莽蒼煩抱豁以舒佳處尚邈然俯仰已
自如行行遵大路未覺我馬瘖雲林展平遠田
苗散敷腴奕奕荒落煙肅肅幽人廬入門恍世
異危亭繞芙蓉波影漾屋壁禽聲亂庭除穹來
清夏風遐原澹夕蕪幽討起新思雅集存真一
群賢迭詠歌夫豈山陰殊且勿慨陳迹萬古皆
須臾

雲華類卷之三

一

登會波樓

吾郡山水窟竒勝聞未嘗於何得全觀茲樓水
之陽群峰闖城郭飛棟相頡頏影倒馮夷宮錦
亂天孫裳明湖一神鏡照萬無留良華鵲乃後
驅使我背若芒欲舉酒相屬彷彿雙龍翔形勢
信絕美求稱慙德涼雖云生長茲會少離尋常
桑梓尚敬止况乃十二強何當棄官歸扁舟永
徜徉

大明湖泛舟

肇余復鄉土樹石皆華滋沔彼明湖波倍覺香
可卮携朋訪蓮葉浩浩從所之俯視亂山影與
樹相參差商飈一披拂夾岸蛟龍嬉舉手欲攬
玩復恐陽侯悲平生慕天游不意今有茲赤壁
坡仙笛羨陂少陵詩二子孰可繼沙鷗弄晴熹
釣突泉

物平莫如水陸阻乃有聲云胡在坦夷起立若
紛爭無乃滄溟穴漏洩元氣精不然定鬼物搏
激風濤驚竒觀天下無每過煩襟清茫茫彼區
域載物良不輕微水坤焉浮非天水奚生孰知
一脉許而與天地并因之有真悟日晏忘濯纓

張文忠公文集卷第四

古詩 五言

制中辭吏部尚書

實行諒無有虛譽日以隆二年兩見徵顏厚甲
九重將行懼遠孝欲止還戾忠出處人所難始
信此語公吾親卧丘壠子亦當同凶何心從吉
召去此楸與松潢汙水孰薦溪澗毛孰供三年
非我獨貴賤天下通朝著多英髦豈少衰病翁
不惟隕士節將恐隕皇風明明方孝治應不罪
眇躬書此奉來使感泣田園東

遂閑堂落成 至治元年

去春卜斯室余方忝朝聯室成余來歸似恐非
偶然門庭頗幽邃花木仍清妍不欣崇柱石所
喜遠市廛好山動相見流水近在門前雖乏晉公
勝差比揚雄賢有時萌侈心擬欲增數椽築爲
四小亭飾彼園與田一亭名拙逸一亭名樂全
一亭名九臯一亭名半山客來縱游逸休息從
宴眠顧茲亦云易少緩良有緣物理忌大盛天
道嫌驟圓般勤志諸壁留以需他年

田舍早春

村居久習靜負暄坐依墻兒童喜相報沙草露
微芒余老愛生意拾樵衛其傍匪慮牛羊侵第
防鷄犬傷因視亭中花碎蕾亦綴芳風日漸回
律川原泛晴光飛飛簷外禽啾啾試新簧乃知
春一動萬彙隨悠揚田園有幽事佳木補斷行
東隣移杞梓西家乞松篁雖非老人宜且慰丘
壑歲悠悠撫清景此外非所望

記綽然亭前花木

淵明曠達士乃慮田園蕪退之崛強人亦喜有
屋廬而我視二子公卿與臺輿歸來得茲堂偃

息權有餘門庭足山色田間水縈紆堂前數種
春一一名品殊芙蓉錦帷幄芍藥金盤孟梧桐
翠葆園牡丹紫雲腴葵榴色爭勝梨柿枝相扶
海棠梅菊蘭或麗或清癯循環一年內爛熳無
日無最憐兩稚松貞操每起余凜然殿群卉次
第孰敢踰有如吳宮娃布陣庭之隅老子日何
事繞玩爲踟躕觀物悟盛衰度世忘智愚利害
不復齒歟要不再途從游有猿鶴共話惟樵漁
人生此樂慳况今許頭顱區區願堅守或能保

桑榆

郊行

遠山如遁藏近山如見逼老夫緩策行超遙歷
阡陌清風動林木浮嵐上巾幘雲霧自遠來忽
覺川陸黑霏微數點兩顧視衣不濕野色含蒼
茫如游化人國平生喜清景攬之欲杯吸詎惟
可樂飢亦足已沈疾幽閒自能羊直恐人未識
千載桃源春莫謂訪無跡

新構草庵

起樓城市中雖麗終塵喧山間一把茅幽勝不
可言野意既無隱嵐翠亦滿軒上有華峰雲下
有灤水源叢篁森四周何必籬與藩時出百無
慮看守有鶴猿愚者以爲陋達士忘寒暄隱然
太初意晤對常在垣詠茲落成詩商聲滿郊原

書綽然亭壁

野亭自成趣旦旦必一臨有時俗務妨咫尺猶
商參非愛山水秀非喜林樾深其中陳詩書傍
列壺與琴鼓琴酌我酒既誦且永吟想前隱居
者亦復如我今古人不可見賴書得其心後來
知我誰搔首雪滿簪幸此可終老且勿求知音
郊居許敬臣廉使見過

野處欲忘世况乃平昔友寥寥數畝園甘此養
衰朽茲晨君見過童穉駭而走牙齋明郊原騎
從隘巖藪輝光生泉石意氣排戶牖握手論夙
心相看各白首疊疊及經術眷眷接杯酒嘉我
高尚懷一卧七年久自言微親老亦欲謝紛糾
從仕非不佳其柰多掣肘所以明哲人徃徃去
之陡此言公近諛彼節余何有本期野老俱孰
敢達者偶渺渺煙林合浩浩風隧吼涓涓水穿
竹忽忽日低柳出門俱黯黯人影亂田畝

有示

余出四十而髮有白者今五旬有七殆
將皤然每一攬鏡輒爲大笑或者疑焉
遂賦此詩示之

人見白髮愁我見白髮喜爲問一世人得此能
有幾陸展何大癡染之媚女子政使女子憐不
悟愈衰矣坡仙自謂達亦說簪花耻昌黎素屈
強併恨及牙齒嘗思前輩心要皆怖身死身死
人之常縱怖能免彼不如姑舍之登高看雲水

飲田家醉歸

肇余故園復宵夢亦晏如投趾皆春臺夙累久

已除有酒略貴賤見請輒同娛茲晨飲田家翁
媪良勤劬呼童爲割鷄催婦仍膾魚坐我桑柘
陰清風來徐徐滿前太古意彷彿羲皇餘雖未
無何有已覺春敷腴人生電之影此酒何可無
爲樂然多端未必能勝余題詩村舍壁用詫通
樵徒

夏日池上

林深池水綠條忽春失妍繁枝已成陰稚荷亦
田田時序不余貸相趣反手然歲月旣如彼此
生亦堪憐始來髮尚黑今也雪覆肩幸此田園
佳爲樂忘歲年况有二三子朝夕事歌弦平生
丘壑心自喜千萬全此福幾人得嘯傲雲莊前

村居重九對菊

秋氣肅村落衆綠日就枯斯花何不群當此獨
爛如有如高世士不爲流俗污又如守節臣可
託六尺孤目爲霜下傑綜名諒非虛肇余歌考
槃數載山澤居每值三徑移朝暮必與俱割席
障巖凝引索圍扶踈未發恒助潤旣茂頻芟蕪
揮鷄恐見傷招蝶使相娛老來百念灰爲花尚
勤劬閑居愛重九我固淵明徒但憐樽屢空坐

閱佳節徂吾詩亦堪醉笑命兒童扶

田居

性癖喜郊野宅此十載強人云久自厭而我安
如常飛走咸舒徐耄稚亦善良口不挂人過所
語惟稻梁相邀坐樹根四顧多牛羊納納眼界
濶洒洒心境涼脩脩風日幽忽忽身世忘公輸
爲我拙孟獲威不揚儀秦詎能舌趙孟卑欲藏
向者豈知此近歲始備嘗嘗疑古之人徃徃皆
高翔其樂乃如許諒足輕軒裳此詩君試歌六
合聲洋洋

春日雲錦池即事二首

晴原日融融生意動林木信彘芳池邊風生水
紋綠聚散鷗亂飛出沒鴨爭浴物樂不自知觀
者快心目緬惟霄壤間何物無所欲泊然風月
懷頗覺唯我獨此福嘗自量奚啻萬鍾祿夸者
難與言但可詫樵牧舉頭見青山新篇又須錄

又

樂閑不願仕昔聞陶令然而我山中居頗覺同
前賢出門雲水俱入室琴書全筆硯或少倦餘
功到農田觀禾割深翳行卉扶危妍移石支卧

松澗竹疏微泉平生愛物心乃始遂近年猶勝
馮唐老抱恨終綿綿

過龍門

山水何地無雄渾獨朔郡吾

元此開基德澤被餘潤我來自神京一路翠
無盡大峰儼宸居小峯翼趨進劃劃戈矛森鬱
鬱龍虎奮連斷伏羲文開闔武侯陣值陰水墨
澗當霽金碧暈石擢九地根泉落半空韻霏嵐
近可挹聚落遠難認隨行變態殊顧揖不暇瞬
如是凡數程愈出愈神雋迺運窮陂陀堆阜尚

餘憤長茵塞草鋪碎錦野花襯行涉人泝流道
爨客吹燼方喜脫險危馬首又千仞或云龍之
門愾况半疑信兩崖覆瓮如中有怒雷震白浪
風搜穴蒼苔兩淋骨四時闢無閑萬古磨不磷
仰觀毛骨寒聞入精爽紊沉沉飛鳥低汹汹去
波迅襟喉控全燕琛壁走諸鎮未知神禹手於
此曾鑿濬圖經不得詳排雲欲天問平生子長
遊勝處神每靳豈期驛塵邊乃足看山分竒觀
自此窮造物諒無蘊書生氣空豪疇敢角其峻
掬泉滌筆塵吸露當杯醞詩語成轉丸羈愁破

迎刃大書道傍祠千載寄高興

和元亨之僉事登歷下亭韻

漾漾東岡陂歷歷北山道於何浣煩纓勝處喜
同到有亭翼穹窿揭以歷下號衰齡怜危攀未
免扶且導于時方旱乾千里無寸潦憑欄身世
忘群景信天造雲錦相縈廻水禽互翔噪邇峰
純浸屏遐樹亂排轟天輿幾今古依舊灤湖隩
不見捉月仙嵐秀想應耗悠悠割據人誰馴復
誰驚緬思牛後羸何若鷄口郤玄德仰帝虞凶
威鄙臣鼻方來當自圖已往詎庸悼須臾客踵
至先歷却懷懊雄談激懦柔虎尾欲甘蹈盤殮
留衆賓孰謂少陵傲茲游起余多外靜內還躁
雲天爲增高煙水亦加奧蛟龍時嘯吟樵牧任
衝冒何當分憲回盍簪續今好

長安孝子賈海詩

天曆元二載西土罹荐饑愚時拜中丞

帝曰汝往釐嗷嗷三輔間十室九困疲行者總
溝瘠居者恒餒而親戚自魚肉遑恤父子離鄩
縣民有賈竭力奉母慈闔門爲口四一妻仍一
兒操瓢日行丐有得歸母貽不幸值虛往見母

顏忸怩退省百無有滿屋風淒其以湯和糠粃
進母母不怡曰我幼汝飼非珍即甘飴而汝今
我哺以我犬豕爲况我老且病累汝無幾時子
懼白其妻無言茅頭垂妻曰携此子從鬻無問
誰市呼不見售復歸泣漣漣而子心救火急兕命
累郊危陰携至他所恩愛從此辭解衣縊不殊
反爲子禁持取盆拔佩刀手足隨紛披給云黃
犬炙雅於補衰宜母知口腹羨不悟骨肉虧子
幸母解顏不計妻攢眉余聞驚此言怒詰官失
治使民至如此賑貸猶遲疑即引造行省使細

陳毫厘且命出兒肉闔府徧示之飭諸相坐前
余爲失聲悲促掾狀其故聞上星夜馳或將復
徭役或將表門楣或斥兼金賜或選好爵縻上
以勸臣子下以安期願廷議必不爽命下曾有
昔人有埋子天憐以金遺復有貨視者哀鳴
走通達亦有棄半途完姪與相隨未聞刃所愛
方古猶絕竒嗟哉賈生心世俗彼烏知母以賈
爲忍母以賈爲癡子失或再有母失庸可追孰
能庭桂惜使我堂萱萎惟其持是心屠子如屠
狸粵從王政圯風縻俗亦漓子囊錢貫朽母篋

無針錐子妾曳綺羅母裙露膚肌不慮親猶天
以利爲根基不究身何來以賈爲宗枝於物尚
爾新矧乃襁褓私嗟哉賈生心堪爲世俗規嘗
聞前哲言一孝蓋萬疵孝可包衆善孝可動兩
儀孝可神鬼格孝可賢聖期能孝斯能忠厥心
自親移願彼爲人子終身誦吾詞

張文忠公文集卷第四

張文忠公文集卷第五

古詩七言

毛良卿送牡丹

同開毛良卿家牡丹盛開意余一過
未敢顯言日者以折枝數花見貺余

老嬾不能副其意故作是詩以釋之

三年野趣雲水俱逢春未始襟顏舒故人持
木芍藥慰我意重明月珠入門神彩射人倒
村爭看傾城姝急呼瓶水浴紅翠明窓淨几
依於自言私第惟此本每開蹄轂窮朝晡樹高

雲非類意五

伯忠

丈許花數十紫雲滿院春扶踈栽培直訝天上
種熏染不類人間株有時風蕩香四出舉國皆
若蘭爲裾貧家蔀屋僅數椽照耀無異華堂居
天葩如此忍輕負轉首夢斷巫山孤明當洒掃
遲鳧鷖未審肯踵荒寒無余聞感德良勤劬久
習嬾散倦世途深歲非是德公傲索居莫哂儀
曹愚禁厨一齏味已得類推固可知其餘君持
詩去爲花誦蜂蝶應亦相懽娛

題周氏池亭

東風吹樹飄紅雪碧雲冉冉迷林樾入門高掛

四面窻水光山色尤奇絕恍疑造物同我遊參
差夢裏金銀闕眼中不見無極翁閑殺瀛溪舊
風月

待鳳石并序

余近得奇石一田兵部師孟同臺掾杜
孝先過而觀之遂名曰待鳳以其一峯
橫出若待物來棲者因而名之余嘉其
詞雅而意深故爲之賦

岐山鳳去天爲老閑殺蒼梧與瑤草空餘陳迹
十丈臺只辨煙霞悅凡鳥朝陽一鳴三千年天

二〇丹九

雲來類書卷五

二

地此心何日了幾迴月夜琴罷彈彷彿玉音來
縹緲雲間九苞望不見几上一峯空自好青天
儻與達寸誠白日終當見孤矯古來奇士志頗
同抱玉丘樊不爲少子陵坐釣桐江春正則行
吟楚澤曉白石甯戚半夜歌大華希夷五雲遶
兵曹命名寓世箴迂叟有詩成腹藁斯名但恐
還徒然喜極二豪俱悄悄簾影風微篆煙裊

石鼓詩時在南城文廟

粵自鴻濛剖玄秘天祚有熊炎帝繼侯剛覃思
神與凝摹寫三千八書契蒼蒼姐一變史籀出鯨

攫螯吐鳳鸞逸羸秦自帝不古師遂使奸斯愚
叔世當時玉筋天下獨爾後爭期古文棄末流
諸子相祖述剗扑遺淳趨姿媚我嘗慨此愧踈
淺一髮空危萬鈞係竭來庠宇覩石鼓玉立儼
然三代器細思伊始將安庸或謂宣王章獵事
且疑且信邈難詰日月群陰欲食旣半爲雷雨
下取將僅餘二百七十二貞堅不墮劫火灰蒼
古猶含太初氣世間鍾鼎瓦礫如隻辭千金未
爲貴昌黎作歌恨才薄坡老來觀惜時異區區
流轉又幾朝終不能亡見天意若令好事堪

玩攘竊空應窮萬計平生謾有博物心迫視不
能詳一字沉吟獨立西風前喬木荒煙日西墜

遊香山

山行彌日山益竒亂峯挾翠如吾隨遊人聯蟻
度林杪細路一線雲間垂茫然四顧動心魄嵐
光蕩秀浮雙眉路迴寶刹忽風墮大鵬九萬離
天池林煙媚景翳復吐欲見不見神護持松歲
雷雨大陰黑泉迸巖數銀虹馳我來青帝已廻
馭太古殘雪猶離離一聲啼鳩百花落兩崖紅
雨春淋漓笑驅虎豹坐盤礴悠悠萬古歸支頤

須臾興盡下寥廓長風又送雲邊詩蓬萊堯率
杳何處無乃造物移於斯往年夢裏記曾到先
聲已爲猿鶴知惜無竒語勒丹壁坐令清賞成
絕癡斜陽忽將暝色至山靈應怪歸鞍遲人間
勝事忌多取毋使樂極還生悲

贈劉仲憲并引

仲憲衛州人以儒掾臺省者十餘年清
苦如一日人饋遺皆不受能詩喜談政
治嘗謂爲天下不自農桑始三代之盛
終不能致間嘗叩之其言激切或至淚

下余器其人類古君子故以詩贈之

廟堂鼎食窮水陸風紀惠文寒聳玉而君名位
不省臺常見私憂結眉目竭來過我白所懷如
枉末伸功未錄諄諄三代治安本脩水火金并
土木烝民旣粒教乃敷和氣春風生比屋自從
秦鞅廢井田王政絲棼民濕東利歸兼并富嚙
貧萬世禍基從此築漢興文帝殊有爲瓦礫黃
金金玉粟蠹農一切悉禁絕千耦如雲四郊綠
下及魏晉隋若唐或耀武功或貨黷盡剗民力
供上需何異養身還餌毒間時偶尔值小登悔

禍元出天公獨勸農使者徒上功虛麗祗堪文
按牘繹騷後迨五季間競投錢鏹懸刀鋸民間
十室九皆空父子幾何不溝瀆吾
元有國天所資

世祖躬歷艱難熟未遑禮樂刑政頌首闢司
農惟穡督至今在在著作林枝幹排雲葉猶
當時治效繁可知行不賫糧居露宿茲非前聖
後聖規豈特千年萬年福統元欲復今何難政
坐因仍弗加勗駿奔期會誇獨賢深竟根株銜
能獄毀方求媚爲通靴滌垢搜癥稱幹局嗚呼

是豈經遠圖刑剝誰虞覆公餗孟軻古稱王佐
才照世格言星日煜論治畧無竒異聞唯說耕
桑與鷄畜使當此日出此言可必諸公盡顰顙
聖賢於彼非不知但恐違天拂民欲切嘗窺管
得一斑端本澄源在當軸仍擇師帥專撫綏且
諭臬司精考鞠的行黜陟表情勤重立賞罰旌
慝淑如斯上下不裕寧伏蹟市朝甘顯戮我聞
其語汗雨如始也解頤終項縮半生醉夢鄭衛
音一旦醒心韶濩曲劉君劉君策固佳俯仰悠
悠知者孰傳存拾潘示永箴書著興戎昭往躅

君不見東家求官交近侍西家豪富相徵逐柰
何温飽不自謀日爲黎黔欲長哭我知君心如
古人我知君才非世俗子牟身遠志在廷梁父
調高音振谷賈生流涕叫虎關屈叟甘心莖魚
腹舊聞造物輔善良比歲看來亦翻覆紛紛已
往姑莫論目擊試將吾友卜承家千里止一男
半夜麒麟去何速淚巾又燥女又殤蘭玉埋香
見無復士夫固以貧爲常門戶那堪禍相屬我
嘗送米猶見却一芥他人肯輕觸處勤節義愈
凜然風雪倒山松栢蟲迹來蹤跡尤可嗟十倍

戒途輿脫輻勞勞簿領頭班白承務酬官在昏
夙否極或者泰運還有詔吏止七品服君由弱
冠冠儒冠一槩誰分鸞與鵬世間屯難表裏攻
阮籍途窮未爲促昨朝跋馬過所居圭華荒涼
雀堪撲座無裊褥旣土塵皮有詩書盤首藉歸
來嘆羨原憲貧却顧輕肥還自恧蹇余亦本山
野民仕路強趨終躑躅向非親命須官爲定買
煙霞事耕斲書生所見然頗同欲奮不能寧韞
櫝因知世事如意少詎止君家爲不足子孫筭
列多冥頑玉帛山堆足憂辱國忠貴顯奴隸憎

黃憲清貧古今伏人生果在官有無可與智言
難衆告今辰霽色雨洗新群木踈明麗朝旭一
杯陶寫千古情我起踏筵君擊筑天開羅幌雲
千疊地展錦屏山四簇不須華姐釘薨魚鱉政要
露杯羞祀菊須臾醕酌彼此忘哀玉滿庭風動
竹

同潘獻臣元復初張子昭高麗寺賞白蓮
雨過琳宮失殘暑竹枝翠濕低蔬圃入門倍覺
老眼明寒碧一盆花四五不勞掛席雲水鄉坐
覺西湖在眉宇蒲搖風影劍舞庭荷瀉露華珠

返浦龜魚江海均意適蒞藻王公亦心許何年
仙子謫帝居驚倒維摩散花女三生夢斷金沙
灘未必香魂遽塵土同來數子俱好事爭擲青
鳧醉鸚鵡座中老衲計更奇暗伏毛錐不時舉
忽聞題詠須臾席衆氣勃然齊一鼓或昂或俯
或吻鳴或蹙或顰或目語或先磨墨務速成或
已終篇耻輕吐須臾能事俱告畢白璧明珠爛
盈廡論功行賞四座譁我不能觴甘楚舞從今
雅會當日然轉首秋容泣寒雨

萬年松并引

萬年松生五臺山中長三寸許好事者
采置諸囊或夾於書簡不計歲時幾何
出而水之則生意輒復以故土人謂爲
萬年松日者田兵部師孟以數本見貽
且曰當作古風一章惠我願爲篋笥之
光乃爲之賦

君不見崑崙有栢千仞強青天雷雨蛟龍翔人
間斤斧日相踵竒材政恐終自戕又不見樗櫟
擁腫無何鄉匠石望知非棟梁孰令枝幹隘
廓萬古齒冷南華莊豈知此樹生寸許不爲形

累恒蒼蒼貞心勁氣耻土著雖遭縛束仍芬芳
微根纏糾亂石髮細葉茸密攢針芒呼童汲井
滌煙翠老眼但見參天長傳聞產自金色界貝
典不載不可詳天花羞落居士室祇樹傾倒梅
檀場吾家秀碧雅相稱峯巒蹙縮雲微茫一從
植此向幽寂劒戟森照光走堂天公豈以我爲
戲故遣二物陪徜徉穹林崇岳漫霄漢而我亦
笑造物狂古今何事非幻景榮枯羨惡均亡羊
作詩寄謝子方子何時更爲齊東野叟分滄浪

過長春宮

往年嘗夢蓬萊宮三山鰲背搖虛空滄溟俯視
一衣帶銀河鼓浪來天風茲遊良不異疇昔半
日恍恍迷西東平生頗似有仙分足迹未到神
先通層樓復觀此誰構只疑天巧非人工繞簷
松影黑於海步驚栖鶴翔雲中西山亦喜得佳
客巍巍我相向如爭功遼金興廢渺何許今人一
笑憐鷄虫須臾遍歷至方丈壺酒盤菓羅青紅
心清已覺破煩暑左右况復扇兩童道人見我
樂幽勝故爲留戀談無窮鼎鑪百沸失膏火風
水萬里忘萍蓬默求詩句爲相答半醉揮出毫
端虹煙雲滿室動鬼神不但爲彼開盲聾笑故
人境兩相稱此會詎與尋常同却愁歸去到塵
世又隨俗迹墮樊籠

秀碧石

有客自和林迴惠怪石拳許峯巖隱然
色明潤可愛因名曰秀碧遂作是詩以
答之

有客至自玄冥國袖携一峯元氣濕知我雅有
山林思和雲持贈曾莫惜嶙峋玉立三寸強意
氣歸然壓秋色初疑女媧醉墮簪劫火不燒年

萬億又疑鼎湖遺寶劍水齧惟餘半火碧苔痕
剝盡出本真頓覺嵐光異疇昔虛堂晝永爐煙
微目擊道存真莫逆若令解語儘可師政使不
高何損德聖門顏子具體微齊國晏嬰才六尺
物形固有大小殊達觀元無高下隔褰裳欲陟
還踟躕一笑詩成山鬼泣

天屏歌并序

延祐四年予以公糴適中都傳過懷安
山中得石如板者二文理類林薄根株
柯葉毫分縷析高下鬱然微有丹點朱

痕隱見其上遂名其一曰林梢遺照一
曰木末餘霞總而名之曰天屏視彼區
區人力爲者蓋相萬矣嗚呼豈化工之
筆山靈不敢私秘因假余以示世耶故
志其然而系之以歌其詞曰

懷安山高去天尺巖壑尋常煙霧黑豐隆力盡
扶不開中有神君瀉秋色老寬走避營丘潛閔
仝愁絕郭熙泣物生應亦憤太專故奪英華發
之筆塗雲爲葉虹爲柯所託雖殊生意一高者
如巨人傲鬼不可即低者如始孩頭角已岐嶷

繁如秦擁百萬兵，踈似周釐十二國。何年龍虎
遺大還，數點和煙墮。空碧嘗許真宰元，無心以
此推窮知。未必無乃群木陰，射透三生石。老蚌
曾食明月光，火鏡能褫太陽魄。莫靈兩曜彼光
侵，野外蒼枯復誰惜。不然那得面目真，自本而
梢一無惑。怪禽欲止還，周章獐獸驚。看爲辟易
天生神物，豈偶然出示終當需。有識我來適值
春色闌，紅雨滿空塵不濕。緣道方謳吟，披荒見
竒蹟。笑携元氣歸袖裏，東海窄呼童汲。沆瀣老
手自磨拭，黃雲捲盡桂露丹。斜日欲沉霞散赤

麗水休汰金荆山，莫搜壁政爾苦索。居邂逅得
莫逆，明窓撫玩清晝閑。却願龍沙永爲客，緬思
穹壤間。二氣互消息，萬象從發生。不作宋楮刻
如何，此段竒直欲毫髮析。無聲詩句誰可續，照
座白虹影搖壁。雲母祗足俗眼遮，錦帳何曾竒
禍隔。梅花捲月坐卧俱，未許閑愁闖吾室。第恐
夜半六丁排闥入

西巖醉筆

興來放步白雲嶺，海濶天高異人境。亂山萬馬
東南馳，只恐郊原碎。俄頃乾坤誰管白鳥閑，今

古空餘野煙冷何當結屋最上頭擺脫塵紛事
幽屏

餘歡堂 爲許仲文作

燕山元氣橫秋高下有逸士思鳴臯沉冥一世
湖海豪掉頭不與王公文九鼎腥沸庖鼓刀何
如時薦溪澗毛紅樓夜月龍鳳簫歡聲輸與康
衢謠食魚豈必橫海鰲娶妻安用傾城妖鄧林
喧鳥止一巢蝸角幾許戈矛操平生此意湯雪
消人知不知自囂囂有田負郭惟釀醪有子教
義期無驕赴人急難若已遭奉親不使親知勞

三十一

李莊類卷六五

一二

長安喬木風雪號一庭蘭玉祥雲飄古來大隱
多市朝煙霞徒起終南嘲召南董生嘗自樵洛
中康節誰能招清風未覺千載遙書堂合賜餘
懽褒寒余漫爲軒冕膠辱齊山岳榮纖毫日中
奔走影叵逃何時並駕塵凡超詩成撫卷心忉
忉

題李太白登泰山觀日出圖

岱宗鬱鬱天下雄謫仙落落人中龍茲山茲人
乃相從氣奪真宰愁豐隆玉堂一任雲霧封長
嘯飛度秦皇松夜呼日出滄海東再爲斯世開

鳴濛鈞天帝居深九重醉舞蹈碎青芙蓉天孫
玉女爲歛容却視五岳秋毫同長鯨一去不復
逢乾坤爲里彌秋虫當年咳唾留絕峯至今樹
石生香風我欲追之杳無蹤不意邂逅會此中
屋梁落月依然空

謝益都宣靖王賜酒

往年

帝爲民食艱麴生遠謫瓊崖山渴心江湖入吞
吐無何無路無從攀矧余幽獨久林壑風月齧
齧煙霞慳茲辰復何辰俾來自雲間田夫走報

三〇二十九

雲莊類集卷五

十三

釋鋤罇樵青起視遺荆管老夫聞言數郊望喜
氣千丈虹霓鬻汲泉躬灑苔蘚徑設榻旋啓松
雲關蠹編整頓匣綠綺鶴氅抖擻巾白綸肅容
尊入方丈室雙瓶古錦封爛編使云

賢王鎮東土知汝勇退辭朝班惟名惟利世羈
鞅自非真悟孰能刪公車屢走不一赴冥然物
外甘伏跼擬崇退讓厲趨競我酒我飲今汝頌
無功冒受恐非福令人發愧顏爲殷金莖玉露
天上春竒香驚倒蒞與蘭投筇伏地再三拜感
激殆欲涕泗潛平生自忖非俊才鈍如鴛乘拙

若鴉有巢拳許不能葺架虹敢效公輸般強爲
血指知不免所以袖手避謗訕而人誤此作高
尚適足於我爲恫瘝譬如嬰孺本好弄孰知不
戲由癡癩伊誰持此誑清聽徒使軒蓋臨溪灣
西村傳聞駭翁媪東崦來覩扶惇鰥林花動色
汀草舞園鳥亦爲鳴啾啾一酌破枯寂再酌伸
皺僞三酌蛻塵世詎止方寸悠然憫白日爲我
求太古爲我還何當大稔遍賜酺坐使六合皆
懽顏鄒枚文雅謝無有但能飲啜寧非頑開筵
幸許廁諸叟侑席不必歌雙鬢地屏岫回互雲

幙天圍圜山中聞至音漱玉溪潺潺只此一朝
樂可當十載閑淋漓青霞裾錯落明月環氣復
少時盛形改中年孱望望蓬萊宮縹緲仙所寰
長嘯恣游歷百怪誇神姦阿羅現十身獨裕呈
全班堅吾尾幽頰奢比蹤群蠻大鵬搏扶搖膽
落鸚鵡驚倒海騰天吳魂褫犀兕豸鯨不足而
翼魚不鱗而彩樓臺構半空隱隱如城闌抵掌
陽侯癡怒目空爾取不解截至寶珠琲落樹聲
珊珊異光天燭龍天矯翕忽變化不可扳湘妃
鼓瑟侍姑射恣態不類凡姬嬾下方半世惡緣

重風愆從此或少緩須臾松風作怒忽吹覺但
見綽然亭下煙波萬頃飛白鷗

詠亭中杏花

效韓文公體

曩余京宦恒寡悰程書惟懼日不供春行偶與
桃李面星火未始能從容居嘗發憤心語口若
歸永與花相從自酬夙願返田圃幾年種杏尋
無蹤或及尺寸鶴見啄或甫萌蘖鷄交攻東君
無乃亦薄惡不使生意閑門鍾邇來移植惟兩
株自藩自水自土封心虞傍樹奪厥秀割愛爲
枿窻前松殷勤發視曾幾時一旦英發喧群蜂

大枝矯如奮小枝偻如恭枯不入焦槁麗不淪
纖穠晨陰慘慘恨何積午霽澌澌色欲鎔風香
一榻春漠漠月影滿地波溶溶爛遊雖未曲江
比諦玩已勝京華逢度高僅出墻數尺數芳奚
翅花千重行窺坐對有餘喜朝吟夕詠不復慵
平生愛玉欲成癖邂逅獲此琥與琮有時幽鳥
鳴其間洋洋盈耳笙竽鏞隋君顛覆爲瓊蘂楚
客憔悴由芙蓉明皇不悟海棠禍鄭穆竟坐芳
蘭凶世俗共重姚魏花推爲萬紫千紅宗孰知
於世略無益不實而艷徒丰茸吾聞甚美必甚

惡政使斗許將安庸滔滔泥色古今一奔賞謾
使人憧憧彼居塵土已爲失况當池館繁華衝
且如此樹人境外孤高無異楚兩龔獨超衆好
識者誰雲莊老人鬢鬢鬆逸情搖蕩山水窟新
詩軒豁風雲霄遮寒不用錦步障取醉自有玻
瓈鍾山中交友殘客無維漁維牧維樵農相過
邂逅爲絕倒或遺巾幘或投筇天公豈悔前日
慳着意重染廼爾濃却愁風雨妬春色擬欲訪
古學豢龍平生富貴土直視爲花如此還憐儂
停毫不覺笑良父野煙落日昏高墉

書大唐中興頌後

維君南面非自娛將使率土皆寧居一人縱欲
萬夫病不惟亡國兼亡軀三郎初年亦英銳講
武風動驪山墟姚崇力用破群議嘉猷善政不
一書台衡繼以宋廣平貞心烈日秋霜俱自從
政柄歸偃月鴉爲鸞鳳麟爲猪幽陵乘隙弄王
室愛之如子矧肯誅養成跋扈悔無濟六蜚失
馭蒙塵趨忠王但可盡子職因危被袵徒嗟吁
幸然天未斡神鼎盜手奪出驪龍珠唐家累世
罹女禍一車纜覆又一車柰何目擊昧殷鑒乾

陽甘爲群陰驅乃知君德貴剛健不爾何以令
八區於戲後來其鑒諸於戲後來其鑒諸

宣統元年五月

十七

張文忠公文集卷第五



